

18 FEB 2000

MENTERI LUAR IRAN KUNJUNGI DR MAHATHIR

PUTRAJAYA, 18 Feb (Bernama) -- Menteri Luar Iran Dr Kamal Kharrazi mengunjungi Perdana Menteri Datuk Seri Dr Mahathir Mohamad di pejabatnya di sini hari ini.

Dengan mengetuai 10 anggota rombongan bagi lawatan rasmi tiga hari ke Malaysia, Dr Kamal mengadakan pertemuan dengan Dr Mahathir selama kira-kira setengah jam. Beliau diiringi Menteri Luar Malaysia Datuk Seri Syed Hamid Albar.

Hadir sama ialah duta Iran ke Malaysia Hossein Fereydoun dan Ketua Pengarah Kementerian Luar Iran bagi Hal Ehwat Selatan dan Timur Asia Siavash Zargar Yaqubi.

Ketua Setiausaha Kementerian Luar Datuk Abdul Kadir Mohamad dan timbalannya Datuk Ahmad Fuzi Abdul Razak turut hadir.

Rombongan Iran itu kemudian menyertai Dr Mahathir untuk bersembahyang Jumaat di Masjid Putrajaya.

Dr Kamal dan rombongannya yang termasuk para pegawai peringkat tinggi dari Kementerian Petroleum dan Dewan Perniagaan Iran, tiba di sini semalam.

-- BERNAMA

MNY RON